



## **Tamakkiisumik akileraruteqartitsinermit aqqissuussineq nutaaq kiisalu sulisut ilaannut akilerartarnermi angerlarsimaffianik allanngineq**

Tamakkiisumik akileraruteqartitsineq, inunnit illoqarfiit nunaqarfiillu avataanni aatsitassarsiornermi aammalu suliasanik annertuunik suliaqartunit akilersinneqartartussa, Inatsisartunit 1. januar 2011-miit atortuulersussanngortinneqarpoq. Tamakkiisumik akileraruteqartitsineq ima paasineqassaaq, sulisut taaneqartut tamakkiisumik isertitaminnit ilanngaasernagit 35 %-inik inaarutaasumik akilerarutaasussumik akileraruserneqassasut.

Tamakkiisumik akilerarutit atorfeqartitaanermi akissarsianit, taamatullu ajunngitsorsianit tamanit pissarsiarineqarsimasunit, soorlu akeqanngitsumik nerisaqartitaanerup, ineqartitaanerup, telefoneqartitaanerup il.il. nalinginit naatsorsorneqassapput. Akissarsianullit soraarnerussutisiaqalernissamut kalaallit danskillu selskabiini soraarnerussutisiaqalernissamut aqqissuussinernut akilersuutit sulisitsisunit aqunneqartut ilaatinneqanngillat, takukkit maleruagassat atuuttut.

Inuit akilerarusersorneqarnerannut allannginerit inunnut qaammatip siuliini kingullerni arfinilinni Kalaallit Nunaanni kommunimut akilerartussaataasimannngitsunut atuupput, kiisalu atorfeqartitaanermi suliasanut makkuninnga suliaqartitaasunut:

- Sulianik ingerlatani, sanaartornermi sulianik kiisalu ikkussuinermit ivertiterinermit illoqarfiit nunaqarfiillu piusut avataanni suliasanik suliaqartitaasut.
- Aatsitassaqaarneranik misissueqqaarnernut, misissueqqissaarnernut paaanermullu suliaqartitaasut.

Aqqissuussinermut ilaatinneqanngillat sulisut, sermip engullu avammut nioqutissatut suliarineqarnerinut suleqataasut aammalu sulisut aningaasarsiat A-nik, aqqissuussinermut attuumassuteqanngitsuniit aamma aningaasarsisartut.

Sulisut ilaannut akilerartarnermi angerlarsimaffik allanngortinneqassaaq.

Inunnut, qaammatit siuliini kingullerni arfinilinni Kalaallit Nunaanni kommunimut akilerartussaataasimannngitsunut kiisalu atorfeqartitaanermi atatillugu sulianik ingerlatanut, sanaartornermi sulianik aammalu ikkussuinermit ivertiterinermit illoqarfiit nunaqarfiillu piusut avataanni sanaartornermi suliaqartut imaluunniit ataani taaneqartuni atorfeqartitaasut Akilerartarnermut Aqutsisoqarfik kommunitut akilerarfittut isigineqassaaq:

- Suliffeqarfimmi, aatsitassat pillugit inatsit naapertorlugu misissueqqaarnissamut misissueqqissaarnissamullu akuersissuteqarfigineqarsimasumi.
- Suliffeqarfimmi, aatsitassat pillugit inatsit naapertorlugu paaanissamut akuersissuteqarfigineqarsimasumi.

Postboks 1605  
3900 Nuuk  
Tlf. (+299) 34 50 00  
Fax (+299) 32 20 42  
E-mail: tax@nanoq.gl  
www.nanoq.gl

- Suliffeqarfimmi, sermip erngullu avammut nioqutissiarinissaat siunertaralugu nioqutissiornissamut akuersissuteqarfigineqarsimasumi.

1. januar 2011-miit aningaasarsiat A-t aammalu tamakkiisumik akileraarutit tamarmik qulaani allassimasut kommunip akileraarfiup kodeanik 35-mik nalunaaqutsikkat tunnius-sinissamut piffissarititat atuuttut malillugit nalunaarutigineqartassapput. Tamakkiisumik akileraarutit nassuiaami ([immersugassaq A1-imi](#)) akileraarutit A-tut nalunaarutigineqas-sapput.

Nalunaarutiginninnermut tunngatillugu apeqqutigiumaneqarsinnaasut Akileraartarnermut Aqutsisoqarfiup Sulisitsisunik Allattorsimaffianut saaffiginnissutigineqassapput.